

棗陽縣志卷二十六

制誥

制曰國家任用羣臣既有爵位之榮而於其親復有推恩之典者所以遂其顯揚之願亦何閒於存歿哉爾任直隸通州右衛經歷司經歷袁禹乃直隸保定府同知袁盛之父居官稱職教子成名宜有卹恩以旌所自茲特贈爾爲奉政大夫修正庶尹直隸保定府同知尙克承之永慰冥漠制曰孝莫大乎顯揚恩莫隆乎褒卹朝廷推恩臣下而榮必及其親者所以崇孝理示激勸也爾張氏乃直隸保定府同知袁盛之母善著閨門訓成其子祿養雖違寵恩斯答茲特贈爲宜人命服之光永賁泉室

宏治二年十月初四日



制曰國家以牧民之責寄於郡之長貳必得公勤明敏之士庶克稱焉爾直隸保定府同知袁盛秀發鄉闈履佐郡政克勤撫字考最今官宜錫寵恩以旌勞勩是用進階奉政大夫修正庶尹錫之誥命以爲爾榮爾其益端乃志勵乃行務使民安政理以副朕愛養元元之意欽哉

制曰人倫始於夫婦風化本於閨門朝廷褒寵臣下必及其配者所以重倫理崇化本也爾直隸保定府同知袁盛妻馮氏克敦婦道善相其夫夫旣顯榮爾宜偕貴茲特封爲宜人服此隆恩永光闔範欽哉

棗陽縣志

卷二十六

制誥

二

宏治二年十月初四日

制曰郡縣親民之政每詢於按部之閒朝廷錫命之榮或出於考績之外故法有定制而恩有特施爾河南開封府封邱縣知縣袁仕克承家學遂掇巍科比領邑符司民社蒞下既勞於撫字持身尤篤於慎勤薦剡交騰寵恩宜布進爾階文林郎錫之勅命於戲治民先於獲上已徵名績之良善始貴乎保終庶竭猷爲之益訓詞具在尙克祇承欽哉

制曰士夫各行豈無內助之資朝廷褒封必有旁推之命典章具在風化所關爾河南開封府封邱縣知縣袁仕妻施

棗陽縣志

卷二十六

制誥

三

氏自稱爲婦克相厥夫禮義禋身無貴家之習勤儉率下有中閫之儀宜錫寵恩用旌賢淑茲特封爲孺人益虔儆戒之心以迓嘉祥之至

宏治十一年六月二十一日

勅曰孝莫大乎顯揚恩莫隆于褒卹肆朝廷推恩臣下而必榮及其親此所以崇孝理而示激勸也爾王成乃廣東道監察御史琰之父敦德履善延譽鄉邦訓子能官宜施褒卹茲特封爲文林郎廣東道監察御史服此休嘉益綿壽祉

勅曰爵祿所以勸人臣忠君之義褒命所以遂人子孝親之心此國家之令典也爾毛氏乃廣東道監察御史王琰之母令儀夙著教子有成宜錫榮恩以褒所自茲特封爲孺人祇服榮恩永綏祿祉

棗陽縣志

卷二十六

制誥

四

成化二十三年十二月二十七日

制曰朕惟世德之盛恆翼子以詒孫故國典所推必自親而
率祖匪徒報本亦以廣恩爾王永乃巡撫宣府等處地方
贊禮軍務都察院右副都御史一鶚之祖父紹休庭闈振
藻鬢序戴仁履義克敦長者之風握瑾懷瑜允蹈幽人之
節既勛成乎哲嗣仍篤啟於聞孫追遡令謀宜膺湛渥是
用贈爾爲通議大夫都察院右副都御史錫鴻名于九列
慰風志于重泉

制曰垂裕後昆固本先人之德從以孫子實由女士之釐並
示褒崇庶彰激勸爾袁氏乃巡撫宣府等處地方贊理軍

務都察院右副都御史王一鶚之祖母夙秉懿範來賓巨
宗慈和永協乎母儀勤儉有資于家理發祥委祉啟祥昌
宗當茲宦業之昌式應和鳴之吉宜昭愍卹用表幽潛是
用贈爾爲淑人並綏蒸昇之儀益篤雲祊之慶

萬曆六年五月十一日

勅曰南京乃根本之地並置官僚內臺爲耳目之司尤關國體所以除奸去慝直枉伸冤身雖違乎闕廷議實通於廊廟匪無才行曷稱簡行爾南京山西道監察御史李邦用天賦英資人稱遠器登明甲第列職憲臺抗章輸獻納之忱備殫忠悃按部展激揚之志丕振風聲矧隨事而效勞每奉公而守法屬當大慶肇舉彝章預加褒錫之恩奚俟陟明之考茲特進爾階文林郎賜之勅命於戲爲政莫難於風紀已徵名績之良守官務在夫忠勤勿替初終之節益臻來效以俟登崇欽哉

勅曰夫婦有齊體之義倫理所關朝廷有並命之榮禮文攸具況乃賢能之配可無推錫之恩爾南京山西道監察御史李邦用妻楊氏德性柔嘉言容謹飭出自華族嬪歸儒流儆戒相成志不違於姆訓勤儉自勵動必協於家規婦道旣循褒章宜錫用旌內助式耀中閨茲特封爲孺人尙敦祇慎之風益迓駢蕃之寵

正德六年五月初二日

奉

天承運

皇帝制曰黜陟維公裁決必歸于天部銓衡貴當精詳尤寄于冰曹爾吏部文選司員外郎加二級掌稽勳司印記名御史史策先識擅淵深才稱敏練受成長貳六聯資藻鑑之明辨論官材九品有清通之目茲以覃恩授爾爲朝議大夫錫之誥命於戲澄敘不淆星朗既昭其佐理典章斯在天書何靳于寵褒

制曰臣心恪慎著懋績于周行婦職修明樹令儀于中閫爰

棗陽縣志

卷二十六

制誥

七

頒慶典俾荷榮褒爾吏部文選司員外郎加二級掌稽勳司印記名御史史策先之妻蕭氏茂族含芳名門作儷素風自矢克敦圖史之型清節相規無改縞綦之度茲以覃恩封爾爲恭人於戲表從夫之大義翟弗承恩沛逮下之深仁魚軒被寵祇承麻命益卽嘉名

道光二十五年十月十五日

奉

天承運

皇帝制曰委贊策名榮旣膺夫簪紱克家纘緒光必逮乎門
閭爾邑增生史仲先廼江南道監察御史加一級史策先
之胞兄道足持躬情殷訓弟經傳詩禮清細揚雁序之輝
慶篤芝蘭丹綽煥龍章之麗芳徽允懋新典宜頒茲以覃
恩馳封爾爲奉政大夫江南道監察御史加一級錫之誥
命於戲被章服以增榮聿顯友恭之義承絲綸而無忝彌
彰善慶之風

棗陽縣志

卷二十六

制誥

八

制曰教佐義方內則克彰夫懿範榮被閭闈朝恩宜體乎私
情爾袁氏廼江南道監察御史加一級史策先之嫂貞淑
性成徽柔道協身嫻姆訓聿儲卓犖之材志稟慈徽用衍
熾昌之緒丕昭淑慎特賁絲綸茲以覃恩馳封爾爲宜人
奕葉
於戲龍章式煥令儀著美于當時象服欽承名德益彰于

道光三十年三月初三日

奉

天承運

皇帝制曰考績報循良之最用獎臣勞推恩溯積累之遺載揚祖澤爾前贈奉政大夫史光恆廼直隸廣平府知府史策先之祖父錫光有慶樹德務滋嗣清白之芳聲澤留再世衍弓裘之令緒祐篤一堂茲以覃恩馳贈爾爲中憲大夫直隸廣平府知府加一級錫之誥命於戲聿修念祖膺茂典而益勵新猷有穀貽孫發幽光而不彰潛德

制曰冊府酬庸聿著人臣之懋績德門輯慶式昭大母之芳

棗陽縣志

卷二十六

制誥

九

徽爾前贈宜人李氏廼直隸廣平府知府史策先之祖母箴誠揚芬瓊璜表德職勤內助宜家久著其賢聲澤裕後昆錫類式承乎嘉命茲以覃恩馳贈爾爲恭人於戲播徽音於彤管壺範彌光膺異數於紫泥天庥允劭

咸豐五年十月二十日

奉

天承運

皇帝制曰誼篤靖共入官必資於敬功歸誨迪能仕而教之
忠爰沛國恩用揚庭訓爾廩生前贈奉政大夫史名彰廼
掌京畿道監察御史今授直隸廣平府知府史策先之父
躬修士行代啟儒風抱璞自珍克毓珪璋之秀析薪能荷
彌彰杞梓之良茲以覃恩晉贈爾爲中憲大夫廣平府知
府加一級錫之誥命於戲貽令問於經籙義方夙著佩徽
章於策府禮秩加優茂典丕承湛恩允荷

棗陽縣志

卷二十六

制誥

十

制曰移孝作忠懋簡勞臣之績推恩錫類式揚賢母之名載
賁榮綸用宣懿範爾前贈宜人段氏廼掌京畿道監察御
史今授直隸廣平府知府史策先之母早嫻典則夙著規
型敬以從夫宜室聿徵其順德勤於訓子備官一本於慈
祥茲以覃恩晉贈爾爲恭人於戲荷彩翟之天章徽音益
暢被彤毫之仙藻惠問常流祇服寵光式綏福耀

咸豐五年十月二十日

奉

天承運

皇帝制曰求治在親民之吏端重循良教忠勵資敬之忱聿隆褒獎爾韋華庭廼同知銜浙江處州府遂昌縣知縣章登瀛之父視躬淳厚垂訓端嚴業可開先式穀乃宣猷之本澤堪啟後貽謀裕作牧之方茲以爾子克襄王事封爾爲奉政大夫錫之誥命於戲克承清白之風嘉茲報政用慰顯揚之志昇以殊榮

制曰朝廷重民社之司功推循吏臣子凜冰淵之操教本慈

棗陽縣志

卷二十六 制誥

十一

闡爾周氏廼同知銜浙江處州府遂昌縣知縣章登瀛之嫡母淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以爾子克襄王事贈爾爲宜人於戲仰酬顧復之恩勉思撫字載煥絲綸之色允賁幽潛

制曰奏績在公已慰勤劬之念推恩及下甯遺鞠育之勞爾趙氏乃同知銜浙江處州府遂昌縣知縣章登瀛之生母持躬以慎助遙能賢無忝所生常念屬毛而離裏則篤其慶俾能盡分以達情茲以爾子克襄王事封爾爲宜人於

戲特申母因子貴之文用昭善則歸親之義頒茲休命勵
乃芳規

咸豐八年十一月初八日

奉

天承運

皇帝制曰誼篤靖共入官必資於敬功歸誨迪猶子亦教以忠爰沛國恩用揚家訓爾韋華旺乃同知銜浙江處州府遂昌縣知縣韋登瀛之胞叔父躬修士行代啟儒風抱璞自珍克發珪璋之秀儲材足用聿彰杞梓之良茲以爾姪克襄王事馳封爾爲奉政大夫錫之誥命於戲昭令問於經籙書貽刻鵠佩徽章於冊府寵賁廻鸞茂典丕承榮名益劬

棗陽縣志

卷二十六

制誥

十三

制曰家有孝慈之範美以相濟而成國崇褒錫之交恩以並推而厚爾李氏乃同知銜浙江處州府遂昌縣知縣韋登瀛之胞叔母德可相夫教能啟後一堂環珮和音克著其慈祥五夜機絲內治聿昭其柔順茲以爾姪克襄王事贈爾爲宜人於戲普一體之榮施鸞章賁采表同心於訓迪象服分光

咸豐八年十一月十八日

奉

天承運

皇帝制曰委贄策名榮旣膺夫簪紱克家纘緒光必逮乎門
閭爾孫長紳廼刑部候補主事加一級孫長紱之兄道足
持躬情殷訓弟經傳詩禮青緇揚雁序之徽慶篤芝蘭丹
綉煥龍章之麗芳徽允懋新典宜頒茲以覃恩馳封爾爲
奉直大夫錫之誥命於戲被章服以增榮聿顯友恭之義
承絲綸而無忝彌彰善慶之風

制曰教佐義方內則允彰夫懿範榮敷閭閻朝恩宜體乎私

棗陽縣志

卷二十六

制誥

十四

情爾史氏廼刑部候補主事加一級孫長紱之嫂貞淑性
成徽柔道協身嫻姆訓聿儲卓犖之材志稟慈徽用衍熾
昌之緒丕昭淑慎特賁絲綸茲以覃恩馳封爾爲宜人於
戲龍章式煥令儀著美於當時象服分光榮命聿昭於永
世

咸豐十年正月初一日

奉

天承運

皇帝制曰求治在親民之吏端重循良教忠勵資敬之忱幸
隆褒獎爾黃述濟乃同知銜江蘇徐州府豐縣知縣黃憲
鎧之父禔躬淳厚垂訓端嚴業可開先式穀乃宜猷之本
澤堪啟後貽謀裕作牧之方茲以覃恩贈爾爲奉政大夫
錫之誥命於戲克承清白之風嘉茲報政用慰顯揚之志
昭乃遺謨

制曰朝廷重民社之司功推循吏臣子凜冰淵之操教本慈

棗陽縣志

卷二十六

制誥

五

韓爾王氏乃同知銜江蘇徐州府豐縣知縣黃憲鎧之母
淑慎其儀柔嘉維則宣訓詞於朝夕不忘育子之勤集慶
澤于門閭式被自天之寵茲以覃恩封爾爲宜人於戲仰
酬顧復之恩勉思撫字載煥絲綸之旨用慰劬勞

咸豐十年正月初一日

奉

天承運

皇帝制曰求治在親民之吏端重循良教忠勵資敬之忱聿
隆褒獎爾王庭鶴廼江西試用同知加一級王言綸之父
禔躬純厚垂訓端嚴業可開先式穀乃宣猷之本澤堪啓
後貽謀裕作牧之方茲以爾子克襄王事封爾爲朝議大
夫錫之誥命於戲克承清白之風嘉茲報政用慰顯揚之
志畀以殊榮

制曰朝廷重民社之司功推循吏臣子凜冰淵之操教本慈

棗陽縣志

卷二十六

制誥

六

聞爾姚氏廼江西試用同知加一級王言綸之母淑慎其
儀柔嘉維則宣訓詞於朝夕不忘育子之勤集慶澤於門
閭式被自天之寵茲以爾子克襄王事封爾爲恭人於戲
仰酬顧復之恩勉思撫字載煥絲綸之旨用慰劬勞

同治三年 月

日

奉

天承運

皇帝制曰委贊策名榮既膺夫簪紱克家績緒光必逮乎門
閭爾王化文迺江西試用同知加一級王言綸之胞兄道
足持躬情殷訓弟經傳詩禮青緇揚雁序之輝慶篤芝蘭
丹綽煥龍章之麗芳徽允懋新典宜頒茲以爾弟克襄王
事勉封爾為朝議大夫錫之誥命於戲被章服以增榮聿
顯友恭之義承絲綸而無忝彌彰善慶之風

制曰教佐義方內則允彰夫懿範榮敷閨闈朝恩宜體乎私

棗陽縣志

卷二十六

制誥

七

情爾方氏迺江西試用同知加一級王言綸之嫂貞淑性
成徽柔道協身嫻姆訓聿儲卓犖之材志稟慈徽用衍熾
昌之緒丕昭淑慎特賁絲綸茲以爾弟克襄王事勉封爾
為宜人於戲龍章式煥令儀著美於當時象服欽承名德
益彰於奕葉

同治三年

月

日